

Noticia publicada en Diario Vasco sección Bidasoa,el sábado día 31 de Diciembre de 2016.

«Nahiz eta ez lortu aldaketa, urrats batzuk eman dira»

-

31 diciembre 201601:05

«Irudi begira, uste dugu egin dugun traiektoria horretan lan txukuna bete dugula. Oposizioan aritu gara urte guzti honetan ere eta, beti bezala, modu eraikitzaile batean, azkeneko aurrekontuetan ikusi den bezala. Eredu desberdin daude hiri honetan; alde batetik Udal Gobernuan dauden kideena eta bestetik oposizionan gaudenena, batzuen, gutxienez. Hori adierazi egin dugu bai kreditu aldaketetan, bai hirigintza plan berezietan eta, nola ez, aurrekontuetan. Urte positiboa izan da zentzu horretan, nahiz eta ez dugu lortzen benetan aldaketa hori ematea. Baina poliki-poliki eman dira urrats batzuk. Etxebizitza izan daiteke adibide bat: 2011tik hona udal talde guztiek aipatzen dute alokairuaren kontua. Gutxienez, hortik lanean eta urratsak ematen bagoaz. Beste aldetik, oraindik ere 2008an krisi horretan murgildu gintuztenetikan ez dugu argia ikusten. Herritarrak asko sufritzen ari dira, eta oraindik askok ixilean daramate beraien sufrimendua. Espero dugu hurrengo urteetan, aldaketa bat emanez, Irungo herritarrak beraien bizi baldintzak hobetzeko urratsak ematea. Alternatiba batzuk mahaigaineratuko ditugu bide horretan».